

РӨШТВО ДЫРЙИ КАРЫН*

(Казьтылём)

Рөштво «куття» лунё гажа -
Локтё ыджыд праздник...
Миян попным, кыдзи-й важён,
Вурис выль пöдрясьник...

Туйяс вылын йöзыд ызгö,
Жöдзö том и пöрысь;
Мукöд «ёлка» даддьөн кыскö
Челядыслы вöрысь.

Быдён нюмъялöны вомнас,
Быдёнлы сэк долыд...
Татшöм праздник öти вонас
Кыкысь öд оз волы.

Сійөн со и томджык войтыр
Виччисисны рытсö -
(Колö пöрысь йöзысь войдөр
Сейны яя шыдсö...)

Рытын, воддза лунся мозыс,
Лектричество ломзис -
Том войтырлөн Сус Кристосыс
Пыр и чужис-ловзис...

Сэк Гимназия, Нардомö
Быдён локтіс, пырис;
Паськыд жырйыс, помысь-помö,
Том войтырөн тырис.

Сэні, гажа спектак бöрын,
Вöлі сьылём, йöктём;
Быдён йöктіс зала шöрын,

Эз ков мырдөн тшөктөм.

Гажа, гажа вөлі ворсөм,
Кыссис вой шөр бөрөдз...
Со нин петук кылө горзө:
«Садьмөй, коді пөрысь!»

Со нин воссис вичко өдзөс,
Жынняян бовгө гора, -
Век на, важ моз, пемыд йөзөс
Затрентяө корө.

Вичкоө сэк пөрысь войтыр
Туйяс вылөд «люзьгө», -
Ворсанінысь том йөз котыр
Налы паных гузьгө...

Важөн вичко вөлі тырлө,
Локтө йөзыд уна;
Поплөн докод оз и бырлы, -
Содө лунысь-лунө.

Өні вичко ветлөм могтө
Кресталісны шомөн,
Сөмын пөрысь йөзыд локтө,
Зэв нин кызь вит-комын.

Сы понда и миян попыд
Йөзлы кутіс кайтны:
«Ми воклы пө лои топыд,
Тадзи пө эг чайтлы»...

Коді вичко гажөн олө,
Коді сэтчө шлөнгис,
Сылы гажыс эз и лолы,
Сөмын юрнас клөнгис...

Кысь нин коньӧръяслы йӧктӧм -
Вичко шӧрын ворсӧм...
Сӧмын вӧлі пельлы сьӧктӧд -
Ӧти пӧлӧс горзӧм...

Сійӧ ладнӧ. Кывзӧй водзӧ!
Вичкоын кор сьывсис,
Славитны сэк вӧлі позьӧ
Рӧштво праздник йывсьыс.

Котралӧны посни войтыр,
Оз нин повны енсьыд, -
Пырӧм бӧрын, сьывтӧдз войдӧр,
Юалӧны тэнсьыд:

«Со пӧ, меным, Ладимерлы,
Висьтав по совести:
По-поповски колӧ сӧрны,
Али по-советски?»...

Ёна жӧ нин челядь пиян,
Сэтшӧм кывйыд любӧ...
Вичко пыдди колӧ тіян
Гажӧдчыны клубын...

«Рождество» сьывлісны войдӧр,
Ӧні вежсис олӧм:
«...Чеччы, ёрӧм-дорӧм войтыр!»
Славитнытӧ колӧ.

Сійӧ бара шуам ладнӧ...
Рӧштво асыв коли;

Видзёдан да лун шөр кадё
Люзьялёны нёльён.

Дерт, өд найё дьякъяс-попъяс,
Морттё пыр и тёдан, -
Босьтёмаёсь гырысь нопъяс
Мышканыс гоз-мөдён.

Керкаясын «тырлы-бырлы»
Сьылёны век моръяс;
Медся радейтёны пырны
Көні пёрысь-дзоръяс...

Онё либё найёс ылөд,
Төдасны тай лёка:
Мукөд керка дінысь ылө
Чукыльтасны бокө...

«Татчө пырны пö ми полам-
Коммунистлөн керка...
Эстөн бара сэтшөм олө
Комсомолка Верка»...

Сідзи найё полөмсорөн,
Котралісны рытөдз;
Өктысисны зэв нин сёрөн -
Рытъя кыа быртөдз.

Рытнас Кырувса ныв-зонлөн
Клубын мөдіс гажыс,
Сөмын кодьясөскө, зонмө,
Век на кыскө важыс.

Ывла вылын кутіс лёкысь
Кывны вучка-вачка:

Кодкӧ мӧдлы кылӧ бокас
Лӧсьыда и швачкӧ...

Клубын повзьӧмаӧсь челядь,
Мукӧд бӧрдзис «ойӧн»...
Сэки пырасны кӧть тшеляд.
Кӧні мый пӧ-й лои...

Вӧлӧм ывла вылас, сэнi
Кӧкулькарса зонъяс
Кырувсакӧд пуркӧдчӧны,
Бытьӧ пурсьысь понъяс...

Ӧнъя дырйи сэтшӧм дурӧм
Абу жӧ нин лӧсьыд;
Колӧ гажӧдчыны бурӧн,
Мед оз дивит пӧчыд.

Колӧ гажӧдчыны ёна,
Оз ков пырны косьӧ,-
Бура олӧм медся дона,
Сідзи овны позьӧ!

1924 во

* Медводдзаысь печатайтӧма 1925 воын.

Коми му. - 1925. - № 6-7. - С. 44-45.